

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allangortinneqarnerannik inatsit

(Kalaallit Nunaanni tarnikkut katsorsaasarneq pillugu inatsisip tarnikkut nappaatillinnut pinerluuteqarsimasunut atorneqarnissaa aamma video atorlugu meeqqat il.il. killisiorneqartarnerat)

UAGUT MARGRETHE AAPPAAT, Guutip saammaanneragut
Danmarkip Dronningia, nalunaarpugut:

Inatsit una Folketingip akuersissutigimmagu Uagullu Akuersinitsigut
atuutilersikkatsigu:

§ 1

Kalaallit Nunaanni pinerluttulerinermi inatsimmi, inatsit nr. 306 ulloq 30. april 2008-meersumi makku allangortinneqassapput:

1. § 2-mi qallunaatuani “anvendelse” imaalillugu allangortinneqassaaq: “anvendes”.
2. Inatsisip qallunaatuani § 109, nr. 2-mi ”forstillelse” allangortinneqassaaq imaalillugu: ”forstikkelse”.
3. § 119, imm. 1-imi nr. 7-itut ilanngunneqassaaq:
”7) Pineqaatissinneqarsimasunut inissiisarfimmut inissinneqarnek, tak. kapitali 31.”
4. Kapitali 47-ip kingornanut *immikkoortoq IV-mi* ilanngunneqassaaq:

”Kapitali 47 a

Tarnikkut nappaatillit pinerluttulerinermi inatsisip naapertorlugit aalajangiinerit malillugit inissinneqarsimasut

§ 263 a. Tarnimikkut nappaatilinnik nammineersinnaajunnaarsitsisarnek allatigullu pinngitsaaliisummik iliuuseqarnek pillugu Inatsisartut inatsisaanni malittarisassat qanoq annertutigisumik taamaaqataanik pineqartunut, pinerluuteqarsimasunik eqqartuussisarnermi inatsisini periarfissat atorlugit eqqartuussiviup aalajangiinera naapertorlugu, tarnikkut napparsimasunut immikkoortortaniittunut atuutsinneqassanersut pillugu inatsisinik atortitsinermut ministeri malittarisassiussaaq.”

§ 2

Kalaallit Nunaanni eqqartuussisarnermik inatsimmi, inatsit nr. 305, ulloq 30. april 2008-meersumi, inatsisikkut nr. 1388-ikkut, ulloq 23. december 2012-imeersuklut allangortinneqartumi, makku allangortinneqarput:

1. § 315, imm. 1, oqaaseqatigiit aappaanni ”nalunaarutiginninneq” kingornanut ilanngunneqassaaq: ”, imaluunniit § 582, nr. 1 imaluunniit 2, malillugit suliap suliareqqinnissaanut piumasaaqatit naammassineqarsimappata.”

2. § 321-ip kingornanut ilanngunneqassaaq:

”§ 321 a. Politiit videomut immiunneqartumik (video atorlugu killisiorneqarneq) meeqqamik killisiuinerat eqqartuussissutissap isumaqatiginninniutigineqarnerani uppersaatissatut atorneqarsinnaasutut naatsorsuutigineqarpat, killisiuisoqartinnagu pasineqartoq unnerluutigineqartorluunniit imaluunniit kingusinnerusukkut pasineqarluniluunniit unnerluutigineqarsinnaasooq, nammineq illersuisussaminik toqqaasimanngippat imaluunniit illersuisussatut toqqarneqarsimasooq takkutinngitsoorpat, pineqartup illersuisussaanic toqqaasoqassaaq.”

3. § 340-p kingornanut qulequttap siornanut § 341 sioqqullugu ilanngunneqassaaq:

“Meeqqat videokkut killisiorneranni periaasissaaq

§ 340 a. Politiit videomut immiunneqartumik meeqqamik killisiuinerat eqqartuussissutissap isumaqatiginninniutigineqarnerani uppersaatissatut atorneqarsinnaasutut naatsorsuutigineqarpat, illersuisooq video atorlugu killisiuineranut najuutissaaq.

Imm. 2. Pasineqartoq unnerluutigineqarsimasorluunniit video atorlugu killisiuineramik malinnaatinneqarsinnaangilaq. Pineqartoq piaarnerpaamik periarfissinneqassaaq illersuisuni peqatigalugu video atorlugu immiussamik politeqarfimmi isiginnaarnissaminut. Meeqqap killisioqqinneqarnissaanic pasineqartoq unnerluutigineqartorluunniit, taassumaluunniit illersuisua, piumasaaqassappat, taamatut piumasaaqarneq videomik isiginnaarnerup kingorna piaarnerpaamik saqqummiunneqassaaq.”

4. § 344, imm. 1, oqaaseqatigiit aappaanni ”kiisalu §§ 417-427” peerneqarput.

5. § 344, imm. 1-imi oqaaseqatigiit aappaata kingornanut ilanngunneqassaaq:

”Tamanna aamma atuutissanngilaq meeqqap killisiorneqarnissaa siunertaralugu eqqartuussinissamut piareersarnerni, eqqartuussiviup § 155, imm. 3 malillugu aalajangersimappagu killisiuineq videomut immiunneqassasooq.”

6. § 467-ip kingornanut ilanngunneqassaaq:

”§ 467 a. Killisiuineq videomut immiunneqarsimappat (video atorlugu killisiorneqarneq) politiit meeqqamik killisiuinerat eqqartuussissutissap isumaqatiginninniutigineqarnerani uppersaatitut atorneqarsinnaavoq.”

§ 3

Imm. 1. Inatsit ulloq 1. juli 2014-imi atuutilissaaq.

Imm. 2. Tarnikkut napparsimasut napparsimmavimmiitinneqartarnerat pillugu inatsit nr. 118 ulloq 3. april 1938-meersoq atorunnaarsinneqarpoq.

Imm. 3. § 2, nr. 1 taamaallaat atuutissaaq assuarliutip imaluunniit unnerluussutip tunuartinneqarneranik aalajangiinernut inatsisip atuutilernerata kingorna pisunut.

Christiansborgimi tunniunneqarpoq, ulloq 25. Juni 2014-08-14

Kunngitut atsiorpugut naqissusiillutalu

MARGRETHE R.

/ Karen Hækkerup